

建置考卷之二

古者司空度土功司徒鳩民力審三時庀八材而營建以興殆不獨城郭宮室頒其法凡官府閭塾以及積貯禱祀靡不備舉焉中邑建置有曰有創造我

聖朝化洽銀疆設險保民作新之功次第敷布用民之力而取費於官其所以使民不知勞而用亦不匱是在良有司矣作建置考

中衛縣志

卷二

建置考

城池

中衛為應理舊治元以前創建無可考舊址狹隘明正統二年都指揮仇廣奏增為五里八分天順四年叅將朱榮復請增修高三丈五尺濬池深一丈濶七丈八尺城門二東曰振威西曰鎮遠嘉靖二年叅將周尚文始開南門一為永安門門皆有樓萬歷二年叅將張夢登始奏請輓甃遂為西路堅城完固甲於諸塞迨本

朝康熙四十八年九月十二日地震崩塌十之七八樓垣盡傾雖司事者力捐金修復僅完葺東西二門迄乾

隆三年十一月二十三日地復大震寧郡城垣公解民
房傾頽殆盡中邑幸稍安而城垣已不復固較前之崩
塌愈甚矣前陝督部堂鄂撫都院元因災會疏奏
請建中衛縣城其城仍故城舊址東西長南北促若舟
形週圍五里七分高二丈四尺女牆五尺九寸浚濠環
城六里三分城門三上建樓外護月城增角樓三敵樓
八門臺六炮臺十四東西街立二市鄉民以曉集交易
粟帛今列肆豐盈人烟湊集居然富庶之風矣城東關
萬歷初巡撫羅鳳翔奏建週圍二百四十八丈十一年
中衛縣志

卷二 建置考

二

巡撫張一元

題請甄贊為東西二門中多店舍往來

行旅栖托馬迨經康熙己丑地震後門垣大半傾圮矣
西南向無關廂近亦夾道市肆修列逆旅比連殆因邊
路為歷年軍需往來衝途之故道光二年知縣李棣通
請

帑補修東西南城外於護城河橋處各建二木牌坊東坊一

名紫氣朝來一名銀川門戶西坊一名爽挹西山一名
鳴沙保障南坊一名襟帶河流一名眇卷古邑東門附
城有鼓樓建自明崇禎年間至嘉慶二十二年五月十

四日不戒於火樓成灰燼僅剩基址道光十二年知縣
艾椿年率典史沈烜捐貲重建樓豎三層上祀奎宿中
祀文昌下祀觀音火神雷神財神樓可以望遠觀河極
東城之壯觀云

廣武城本夏興州地明正統九年巡撫金濂以其地當西
路之衝負山河之阻奏請築城摘中右衛官軍居之移
都指揮防守後改遊擊城週圍二里成化元年遊擊陳
連展築為三里宏治十三年巡撫王珣又拓之高二丈
五尺池深一丈五尺南門一上有樓北建玉皇閣今城

中衛縣志

卷二 建置考

三

近在河岸乾隆四年重修週圍五百五十七丈門樓牆
堞皆加築整齊與棗園石空鎮羅為西路完城矣第河
勢日徙西北夏秋水漲聲撼城郭舊堤單薄固護修防
廣武切近急務也在縣東二百里 形勝舊志西河要
衝又山環河遶密邇邊塞為靈夏之襟帶寔固靖之藩
屏

棗園城宏治元年建至乾隆四年重修週圍四百二十四
丈六尺向南門一甕城甃以甃石建城樓二座舊志設
把總防守近城東南有三皇廟

石空城萬歷十三年巡撫張一元 題建設守備駐防今
仍之週圍五百八丈二尺乾隆四年重修向南門一上
建樓甕城甕以甕石土垣女牆皆完葺城樓三座角樓
四炮臺二其北城臺建有玉皇閣在縣城東九十里
鎮羅堡城宏治元年建設把總防守今仍之在縣東三十
里乾隆四年重修向南門一甕城甕以甕石城樓三角
樓四炮臺二堡門左有 關帝廟

古水城在縣西南五十里西與靖遠蘆溝通其東南與香
山聯絡重山複嶺潛通固靖萬歷四十三年巡撫崔景

中衛縣志

卷二

建置考
城池

四

崇以其曠遠請設弁兵防守守備孟應熊始剡山築城
今仍舊制其城署皆傾頽矣

堡寨

附各灘湖山庄凡有村落者俱各載入其附某堡當差亦各分晰以便稽考

渠口堡舊為渠口墩明萬歷三十九年始築堡在縣東一百七十里

錢桶堡近河舊為渡河通津孔道天啟七年總旗王思敬始率屯民捐築土堡至十年乃告成今堡在縣東南一百五十里

張義堡萬歷十四年建設把總防守今裁在縣東一百一十里

永興堡在縣東六十里萬歷十四年建後崩於河今存其

中衛縣志

卷二

建置考

五

名耳

鎮靖堡在縣東南二十里近河宣德元年建俗稱前所營

柔遠堡在縣城東十里俗稱中所營明興改屯衛時建

常樂堡在縣西南二十里古水之東堡近河其南境接大

滂壩舊通蘆溝驛堡西有邊牆一道延長跨西南山直

抵蘆溝堡喜鵲溝長二百四十九里牆外臨河有紅鱗

牛墩至今設汛防焉

永康堡在縣東南三十里羚羊山之足近河成化間建堡

東南六十里達香山寺口

宣和堡在縣東南五十里萬歷間建俗稱七百戶

寧安舊保成化二十二年建在縣東南一百里堡東南通

靈州固原西南通蘭靖為河南衝衢商賈往來市肆亦

稠縣令黃恩錫於乾隆二十三年捐建倉五間就近征

收恩和寧安額糧民頗便之二十四年復詳准添設巡

檢司一員分駐彈壓

寧安新堡嘉靖九年巡撫崔鵬奏建在縣東南一百三里

恩和堡舊為威武堡建於萬歷間前僉事齊之鸞有威武

堡詩載見藝文乾隆十一年縣令姚恪以其民多尚武

中衛縣志

卷二 建置考

而抗糧為改今名俗或稱四百戶今漸傾頽內居民僅

四五家餘皆就田築庄以居

鳴沙州漢鳴沙州鎮地相傳其地沙踐之有聲故名後周

移置會州於此尋廢隋置鳴沙縣屬環州大業初州廢

唐貞觀初以縣再屬靈州神龍初為默啜所據咸亨中

收復置安樂州以處吐谷渾部後沒於吐蕃大中時收

復改置威州徙治於方渠以縣屬焉元置鳴沙州明初

州廢徙其民於長安惟空城耳正統中巡撫金濂奏葺

故城摘調官軍守之隸中衛土城週圍三里七分城之

西北大半已塌於河至今州人倚東城築垣以居其城南有舊安慶寺城隍廟存焉在縣城東南一百四十里

張恩堡在縣東南二百八十里牛首山下隆慶元年建堡

東達青銅峽接秦壩口靈州界

馬槽湖 在縣北三十里其地畝於乾隆十八年陸科附本城 黑林灘 在縣北三十里其地畝於乾隆十八年陸科附本城

西二十里 常家湖 在縣北十五里 倪家灘 在縣南十里 姜家灘 附本城

附鎮 田家灘 附石空堡 蒲王灘 附秦園堡 洋灘 附渠口堡 黃辛灘 附鳴沙州

野豬灘 附張義堡 之馬灘 附張恩堡 康家灘 孔家灘 俱附寧安柳馬

灘 附宣和堡以上至倪白馬灘 近山有白馬寺故各其家灘俱在河之中

中衛縣志

卷二

建置考

山水冲斷遂成荒萊自雍正十二年寧夏道鈕公詳請動帑建環洞五洩紅柳山水入河上為石槽長二十餘

丈七星渠水始下澆白馬通灘指兩河各堡民領地分墾自紅柳溝下至張恩堡佃民隨田築庄以居分九段

今則土地開闢村落相望乾隆二十五年秋七月始於適中之恩棗段因舊築土垣為設市集以便民交易焉

香山 山民資水草牧耕多因山崖築室或陶穴以居舊有七十二水頭分東西八旗今生齒漸蕃皆成村落

落其差徭附於縣城所有各庄住址編戶及接壤隣封俱為分晰詳註以便察考

深井庄 人戶獨蕃於他庄 寺兒井 在香巖 官庄子 在寺西十里靖遠縣界

下設把總 苦水沙河 韓鎖井 紅泉廟 大柳樹 兵弁防守

羅全灣 趙麻井 以上各庄 騾馬井 其地水自石縫中 泉一旗 流出

羊兒水 史家水 其地水從石澗流 騷羊水 小柳樹 出至高家水入地

紅園子 地勢頗平人居亦稠庄南十五里至真 高泉庄

水自山坡 張家窑頭 其近山 碾盤水 其地水自溝灘流出約十里許入地

孫家山 放馬嶺 吳布袋 三公溝 喬家寨

伊家寨 杏樹溝 劉家山 校尉川 黨家水 為通

必由之路有李都督日榮神道碑其東南四里 紅石堡

至白崖口靈州界有汎防以上各庄東三旗 亂柴溝 醮佛臺

在縣南三十里由韭菜溝至高峯子 高家水 潤溝兒 青土崖 黃沙水

有佛閣在石岩上 銅場堡 寺口子 為通蘭州平涼藍茶廳要路設有汎

崖口東北通寧安永宣諸堡山 狼嘴子 在寺口東南倚

中衛縣志 卷二 建置考

於他庄 柳樹 七棵樹 舊稱產鉛有

靈州界產鉛有舊錫洞 大澇壩 其水從石灘流下至里許入地土人為

四旗 柴窰畔 西蘆泉 亂井子 任厨寨 庄

三里至臭泥 土坡 白土崖 黃家套 鴉兒崖

井靖遠界 韓祥水 以上各庄 綻家水 庄西十里 車路溝 羅鍋井

蘆草井 磨兒井 高崖水 周家寨 牛條嶺 紅

寺臺 碾子井 庄南五里靖遠界 窑洞水 四面皆山惟

其山阜有石岩為明 蘭家寨 高峯子 庄路南為 景家

寨 三眼井 張蠻圪塔 新庄子 以上各庄 黑龍井

上下石棚 韭菜溝 白崖子 新水村有都督李日榮墓

七眼井以上為西 要崖在縣東南二百三十里分三庄

民十之七漢民十之三今漢民亦分移附近之新庄矣 康馬頭近要崖皆漢民

役皆附鳴沙州堡

中衛縣志

卷二 建置考

中衛舊未有

朝賀之所乾隆十九年各士民始於通衢適中之

元帝廟前面建

萬壽亭一座大門六楹隨以資力不繼停工垣墉尚闕至二

十四年知縣黃恩錫復為亟力倡捐修其垣墉於亭之
東西建朝房各四楹其前移舊坊重建如式彩繪告成
於二十五年之五月道光二十年知縣鄭元吉捐廉重
修鑲鑲衛道整飭拜臺彩繪重新悉遵舊制往來咸瞻
仰焉

中衛縣志

卷二 建置考 官署

十

官署 庫獄附

西路同知署舊在城東南隅順治七年移建通衢南向康
熙四十八年地震傾覆前任同知高士鐸重修乾隆三
十七年裁缺

中衛縣署在城西通衢南向為舊衛署康熙四十八年地
震傾圮前衛守脩陳紀重修雜項庫一間在縣堂右側
監獄在縣署右知縣李棣通添修上房三間小廳三間
額萱壽堂在署三堂左知縣艾椿年改修小房三間為
早晚辦公之所在署二堂右道光二十年知縣鄭元吉

重修月臺築砌衛道大堂東西修庫各一間一貯地丁
糧價一貯贓罰各款

副將署在縣城東大街南向康熙四十八年地震傾圮副

將王登朝重修

署堂前左側有古槐一株相傳以為元以前物

都司署在縣城西北南向年久傾側乾隆二十五年都司

倭赫詳修

考斷碑署為元應理州舊址

廣武營遊擊署在廣武城東南向

廣武營守備署在廣武城東南

石空寺守備署在石空城東北

中衛縣志

卷二 建置考

官署

十一

古水井守備署在古水堡

秦園堡把總署在堡東北

鎮羅堡把總署在堡北

中衛縣典史無衙署歷任皆寓寺觀民房乾隆四十五年

典史王伯需因知縣王臣修理縣署餘貲創建衙署在

縣署右

渠寧驛巡檢司乾隆二十五年新設詳建衙署在舊寧安

堡

中衛廣武營千總把總各員舊無衙署

附養濟院

養濟院在城西門外乾隆二十三年署西路廳富斌知縣黃恩錫捐建額設孤貧二十名日支糧一升每月共支糧六石計一歲支倉斗糧七十二石

附公館

中邑為沿邊之衝知縣黃恩錫自乾隆丙子蒞任適軍需旁午差使絡繹於道東西各站外其西南之通蘭靖東南之通靈固各建館舍以為星軺棲息之所嗣乾隆丙子後歷任添建本城大公館一所二公館一所沙坡底中衛縣志

卷二 建置考 公館

三

公館一所營盤水公館一所外長流石口廣武寺口四站向無公館遇有星使適館授餐租賃民房官及時代為修理供應之繁倍於曩昔矣

本城大公館一所因乾隆三十七年西路同知裁缺三十八年知縣王臣將公署改建公館

本城二公館一所嘉慶十一年知縣金宜創建

西路乾塘子公館一所上房三間東西廂房四間後房一間大門一座棟屏一座乾隆二十二年知縣黃恩錫修營盤水公館創自何人建自何年無可稽考

沙坡底公館一所官廳一間東西房各一間後廳三間東西套房各一間西廚房一間茶房一間乾隆五十五年知縣胡紀謨建

東路勝金關公館一所上房三間東西廂房四間廚房二間大門一座圍牆照壁全知縣黃恩錫修

南路鳴沙州公館一所上房三間右小房三間東廂房三間西廂房三間書房三間大門三間二門過廳三間廚房馬棚全舊係撤毀邪教經堂乾隆二十三年知縣黃詳修改置公館嘉慶十年傾圮木植尚存

中衛縣志

卷二 建置考

公館

三

南路寧安堡公館一所上房三間東西廂房四間過廳三間廚房一間小房一間大門一座道光三年傾圮地界尚在

西路長流水營盤水官店東路廣武石空寺官店南路寺口黨家水官店皆官為修理以便往來差使本城公館係典修狄姓房一所立有卷案

倉廩

應理倉 一在南門大街新建大倉四十五間舊倉九十五間一在老關廟巷倉八十間俱新建徵貯本城柔遠鎮靖鎮羅永興宣和永康額徵糧供支中衛營每年應支糧料四千六百二十七石六斗內兵糧三千五百八十石馬料一千四十七石六斗嘉慶四年知縣文楠添建廩房十間老關廟創建廩房十間後因老關廟廩房不貯糧石漸就傾圮前各縣陸續解拆所剩木料為添補衙署之用

中衛縣志

卷二

建置考

倉廩

古

石空倉在堡內舊廩三十九間又添建廩四十八間徵貯本堡額糧歲供石空營兵馬糧料五百四十六石八斗內兵糧四百八十二石馬料六十四石八斗

棗園倉在堡內舊有倉廩五十一間添建倉廩十四間徵貯本堡額糧歲供棗園汛兵馬糧料一百七十四石八斗

白馬鳴沙向無倉廩民納糧運至廣武貯倉乾隆二十三年知縣黃恩錫日念隔河寫遠民運維艱在於鳴沙州安慶寺廟內暫為收貯俟農隙時仍運至廣武貯倉以

備供支兵糧之需嘉慶三二兩年在安慶寺內建蓋
小房二十間以為積貯之所嘉慶五年河流暴漲小房
冲塌知縣田均後將糧挪至白馬灘存貯戶民公懇於
白馬寺創建倉廩二十間此白馬鳴沙與廣武分貯倉
糧之始基也

廣武倉舊倉一百四間添建六十三間依張恩渠口錢桶
廣武黃辛灘額糧供支廣武營兵馬歲二千六百八十
三石六斗內兵糧一千九百六十石馬料七百二十三
石六斗

中衛縣志

卷二

建置考 倉廩

古水倉舊建倉十間在古水堡今於附近之常樂收貯常
樂永康糧石以供支該營兵馬糧料歲五百五十石八
斗內兵糧四百八十六石馬料六十四石八斗

寧安倉舊恩和寧安俱於廣武倉納糧隔河路遠乾隆二
十三年知縣黃恩錫建倉八間後又添建七十二間於
堡西北隅收貯恩和寧安額糧

社糧附

縣城社糧一百五石息
石空社糧二十四石五斗三升息
生張坦勸捐續置典田五十畝
以田所出為本堡鄉會試考費
社糧二十二石九斗四升七合息二

石二
寧安 社糧六十石七斗八合 永興 社糧二十一石六斗

新寧安 社糧一十六石九斗二升 恩和 糧九石八斗四升 息一石六斗九升 合息九石八斗八升

鳴沙州 糧十一石三斗七升四合 鎮靖 糧二十三石一升五合 合息一石一斗三升 合息二石二斗一合

張恩 糧五石三斗五升七合 柔遠 糧二十二石二斗二合 息二石二斗二合

鎮羅 糧一十九石二斗三升 錢桶 糧十二石九斗三升七合 息一石九斗二升三合 合息二石二斗九升三合

渠口 糧一十三石一斗三升 廣武 糧九十三石六斗 息一石三斗 石三斗六升 息九

常樂 糧一十二石一合 永康 糧一十八石二斗三升 息一石二斗 石八斗二升 息一

宣和 糧一十七石二斗 三升 息一石七斗

以上各堡社糧民捐積貯各堡設社正社副經理或

中衛縣志

卷二

建置考

社糧

經理未善歸官籌備耶或歲久朽腐陳新未易耶嘉

慶二十五年知縣李棣通不知何以野短道光十年

歸入盤查案内報銷

學校

中衛縣儒學 在新鼓樓西文廟之右教諭署堂室一十五間訓導署堂室一十二間訓導道光十二年裁缺署堂室猶存舊址

明倫堂 在學署之前堂五楹東西齋房各六楹大門儀門各四楹內立順治九年二月

御製曉示生員條教卧碑康熙四十一年正月

御製訓飭士子文

學額廩生二十名增生二十名學生每七年三貢每歲

中衛縣志

卷二 建置考 學校

七

考取入文生員十四名武生十五名科考取入文生員十四名歲科撥入府學四五名河南各堡辦銷惠安鹽引歲科商學赴惠安考試取入無定額現在商學名目不知裁自何年無案可考

學田在縣東郊東至舊演武場西至官路南至民田北至驛路地窪下間歲一種稻

書籍

御製朋黨論一本

上諭一部共二十四本

聖諭廣訓一本

上諭一本瑞穀圖一本

諭旨錄一部共十本

平定青海告成太學碑墨刻一張

性理四部每部五本共二十本

詩經四部每部二十四本共九十六本

書經四部每部二十四本共九十六本

周易折中四部每部十本共四十本

春秋四部每部二十四本共九十六本

中衛縣志

卷二

建置考

書籍

六

朱子全書四部每部三十二本共一百二十八本

十三經一十二套共一百二十本

二十一史五十套共五百本

明史一部共一百一十二本

四書解義四部每部十二本共四十八本

駁呂留良四書講義八部每部八本共六十四本

大清律一部二套共二十本

上諭八部每部十本共八十本

欽定四書文四部每部二十二本共八十八本

資治通鑑綱目一部共四本

中衛縣志

卷二

建置考

社學

九

中衛縣城堡社學

縣城應理書院在南門學舍十一間西路同知高士鐸建
社學在學宮尊經閣北學舍七間知縣黃恩錫建學租
田三十六畝坐落城北八字渠乾隆二十五年置租田
八十畝每年納租銀四兩八錢李生甲生瑞生茂生新
承種李城等種學田六十畝歲納租銀三兩嘉慶二十
年前署縣周濂置買吳姓房屋一所改建講堂院內上
房東西廂房院外廂房共二十六間道光二十一年元
吉與紳士籌議修葺升高講堂墻垣照壁大門重加改

建舊房二十六間亦俱改造需費約計二千餘金有碑記詳藝文至書院山長束修生童膏伙俱由縣管理如公項不敷亦由縣捐廉添補

宣和堡社學學房九間在堡內東 元帝廟右側學田一方王鎬等開種歲納租銀四兩乾隆四十八年義學房屋傾頽將木料移至堡內奎星閣下修蓋房屋八間閣下空地一塊以所出為修義學之費至王鎬承種之田久被水冲嘉慶十九年知縣程樹滋詳請豁免學租銀四兩道光十年復在堡北開墾灘地一道以作學田張

中衛縣志

卷二

建置考

社學

三

遵王承種立有縣案歲納錢十六千文

白馬灘社學在白馬寺乾隆二十五年置學田六十畝歲納市斗租糧十二石坐落恩棗段七星渠夾岸

廣武堡社學在堡內學舍十間學田四十二畝原任湖廣提督俞益謨置有碑記見藝文

鎮羅堡社學學舍七間重建十五間在堡內奎閣下乾隆二十四年置學田七十五畝復增二畝歲納市斗租糧十一石二斗五升孟王張等承種道光十八年合學公議核計七十七畝所出分作三項以十四畝為文昌宮

祭田以三十畝為義學延師束修以三十三畝為科生鄉會費芥

永康堡社學在堡東 關帝廟學舍十間乾隆二十四年置學田一方坐落燕子窩灘閻多祝等承種歲納租銀八兩又張大經等市舖租銀五兩五錢至乾隆五十八年河水北流闔堡眾工築埝濬灘以灌學田後將燕子窩學田所出歸入銀川書院本堡士民不忍社學廢弛公稟前縣文楠立案歲給社學銀六兩着堡約催取以為延師修芥至閻多祝承種之田河流形勢不定灘多

中衛縣志

卷二

建置考

社學

三

崩塌故承種者亦人屢更易也

鎮靖堡義學為處士孫振前議倡工將竣而振前謝世事遂廢茲道光二十年堡人復議捐灘地二塊坐落堡渠之南以建義學廩生高秉彝有記

恩和堡社學在堡南學舍十間乾隆二十四年置學田八十畝歲納租銀八兩坐落沙湖徐靜等承種又楊克舉種學田二畝歲納租銀三兩李均等種學田一方歲納租銀二兩又曹下迤田八畝因徐璋等誥訟攻入前知縣姚置學田一塊

寧安堡社學在 文昌閣學租市舖三十二間歲納租銀
二十兩乾隆二十四年置學田二十畝坐落孔家灘尾
鳴沙州社學在安慶寺學田六十畝歲納市斗四色租糧
十三石雍可立等承種坐落紅柳溝南

棗園堡社學在堡內北學舍十二間乾隆二十四年置于
忠李聰賢郭自成等學田五十七畝坐落東庄

石空堡興文社為 恩貢生張坦勸捐典田五十畝每值
鄉會試以田所出酌為赴陝入都斧資廩生張楷有碑
記立於堡內之文昌宮坦復立惜字社有廩生祝平成

中衛縣志

卷二

建置考

社學

三

增生何偉業馮克榜共襄其事

古者家有塾黨有庠州有序國有學所以厚風俗而
培養士氣也中邑崇尚古風各堡多立義學社學置
棧舍以為肄業之所捐學田以作延師之費承種佃
人亦俱殷實立法之善至周且密近查各堡學舍學
田俱多名實不符雖滄海桑田變遷不一而亦不能
不歸咎於經理者之未善也夫莫為之前雖美弗彰
莫為之後雖盛弗傳是在里長黨正盡心稽核毋墮
前業俾家絃戶誦俗尚詩書此則予之厚望也夫

堂記

中衛縣志

卷二

建置考

社學

三

祠祀

壇壝

先農壇在城東南雍正五年奉文建內耤田四畝五分每
歲春耕耤日致祭

社稷壇在城西南雍正十年建每月春秋仲月戊日致祭
風雲雷雨山川壇在城南雍正十年建春秋仲月戊日致
祭遷城隍神主共祭

考漢唐宋以來風雷雨各分壇以祀不及雲明洪武中
詔春秋祭風雲雷雨為一壇嗣又以風雲雷雨山川城

中衛縣志

卷二

建置考

壇壝

二

隍合祭於壇

厲壇在城西北每歲三祭春則清明秋則七月十五日冬
則十月初一日祭

中衛縣志

文廟陳設圖

鼓




文

廟

陳

陳 設 正



中衛縣志
崇聖祠陳設
與四配同

文廟陳設圖

設圖





中衛縣志

崇聖祠配位與十哲兩廡陳設同

文廟陳設圖

三



簋



俎



鼎



豆

豆

豆

豆

豆



豆六



豆



豆



豆



豆




豆



豆



豆



俎



豆



豆



豆

豆



豆

豆

豆四




豆




豆





俎



俎



俎




中衛縣志

文廟陳設圖

四

蓮巾



蓮巾以絲為之圓幅古用以覆蓮今之蓮豆簋盆皆可以用

勺




勺所以酌酒實爵明堂位曰夏以龍勺殷以疏勺周以蒲勺三者皆指勺柄禮器揮勺標白木之有文理者用木為之古多以匏後世範金為之

龍畫



畫畫畫古以疏布今用絳縹為之方幅中畫雲龍四旁畫文彩四角各綴一錢以覆上殿啓理尊

青畫



曰疏畫以白疏布為之方幅染以青四角各綴一錢用以覆廡尊古宗廟之外凡祭尊彝皆有畫





壺尊

非四代之制... 大矣範以金腹大口足... 俊口細以哺首身有... 畫雲雷象於腹取其... 奮豫及濡澤下施之義... 其數六用以貯初獻酒



太尊

古陶器今範金為之... 其形如壺腹著鳳雲... 所以示有節止而文明... 其福澤之及時也其數... 六用盛配酒




山尊

或以為即雲雷尊諸... 禮樂書有雲雷尊復... 有山尊範金為之夏... 后氏之尊也其數二



著尊

古陶器或以木今範... 金為之商尊也其數... 八與山尊當為... 祔祀用



犧尊

象於腹今銘金鑄作象... 形穴其背以受酒數八... 用以貯亞獻酒



彝尊

或作獻尊獻讀為犧... 範金為之畫牛於腹今... 通作犧牛之形取純而... 不雜其制蓋周尊也數... 六用以貯終獻酒



古陶器夏后氏之尊... 也斝以佐尊用以容... 酒其數四闕里誌無... 庶尊當用以貯庶酒

中衛縣志

文廟陳設圖


文廟樂圖

樂器圖

中衛縣志

文廟樂舞圖

六



中衛縣志

文廟樂舞圖

啟







拊



麾



瑟



上



笛



鳳




壎

簫



笙



箏

箏

將前烈謹畫



旗



下

文廟

學宮

中衛明以前學制不可考正統八年鎮撫陳瑀始請建學在城東北隅後巡撫徐廷章以學宮偏在城隅非宜命改建於街衢適中左廟右學如制第臺址殊狹至宏治十三年訓導李春等請於大中丞王公珣撤相近逼礙之保安寺以濶之展堂齋建庖廩尚書三原王公恕為記載藝文嘉靖三年叅將周尚文重修萬歷三十五年同知錢通叅將于翔儀重修衛人周于人有記至康熙

中衛縣志

卷二

建置考

學宮

四十八年秋地大震而廡明倫堂齋房盡傾圮惟正殿獨存教授劉追儉請商於西路同知高士鐸倡率士民設法捐助興修歷三年乃告成計

大成殿六楹兩廡各八楹戟門四楹東西角門各兩楹櫺星門木坊一座東西柵欄全至乾隆五年重修縣城工竣諸生請各捐貲因修城所餘輓石愈加築正殿臺階以陞之其東西廡暨名宦鄉賢祠泮池戟門櫺星門皆增飾較前尤為宏備於名宦祠左添建忠義祠四楹尊經閣在大成殿後雍正三年建三轉五成樓高二層

崇聖祠歷年既久屋脊瓦皆脫漏其前圍牆亦狹隘五王
神牌字畫間有錯訛四配從祀神牌則卑小模糊乾隆
二十五年署西路同知富斌知縣黃恩錫倡各衿監捐
金補修屋脊拓開垣牆門樓恩錫乃於各神牌皆更正
泥金大成殿扁額十哲神牌皆重加修飾櫺星門右更
衣房四楹亦加重修道光二十年知縣鄭元吉倡捐重
修自廟門至廟中廟後尊經閣崇聖祠逐加修葺構料
不假手胥吏鳩工庀材皆諉任能明紳士故工匠石木
較前尤為堅實而廟前照壁及櫺星門脩極輝煌壯麗

煥一邑之文明焉有記詳藝文

崇聖祠

明以前無祠嘉靖九年始建祠啟聖公

國朝雍正元年追封

先師孔子五代以五世祖為

肇聖王高祖為

裕聖王曾祖為

詒聖王祖為

昌聖王父為

啟聖王

中衛縣志

卷二

建置考

學宮

三

祠內四氏

東配西向

顏

氏

無繇

孔

氏

鯉

西配東向

曾

氏

點

孟

孫

激

從祀五儒

東儒西向

周輔成

張迪

蔡元定

西儒東向

程

珦

朱

松

名宦祠 在戟門東

鄉賢祠

在戟門西

忠義祠

在名宦祠左

考陸稼書靈壽志論云余讀安州志言祀事之失嚴敬

曰壇壝廟宇宿莽積塵神主龕籠傾欹破毀几案皆烏

鼠之迹庭除有人畜之糞及祭祀屆期齋戒視為虛文
執事何嘗告戒拂拭者濁膩重重滌濯者污垢班班菹
醢不問生熟犧牲未知精潔帶泥連草之菁芹含蛙蒙
塵之棗栗凡百供陳盡托僕隸師生不躬親有司不省
視嗚乎今天下如此者多矣豈獨安州哉惟恃知禮之
君子相為留心其間云

節孝祠

城西南隅舊祠卑濕傾圮乾隆二十六年知縣黃恩錫改建於通衢文廟右側

文昌宮中衛向無文昌宮殿每遇春秋祭祀各官詣東城
鼓樓之文昌閣展祭道光元年知縣李棣通在南門創

中衛縣志

卷二

建置考

學宮

四

建宮宇南城上建奎星閣道光二年復重修

文昌閣

在新鼓樓

奎星閣

在東南城臺

考司馬遷書魁戴筐六星為文昌一曰上將二

曰次將三曰司神四曰司命五曰司中六曰司祿周禮

大宗伯以絜燎祀司中司命鄭康成亦云季冬之月祀

天之神祇司中司命與焉所從來久矣學宮前東南舊

有文昌奎星之祀貌而象之於文昌則號為梓童帝君

此道家之說與朱竹垞老人所辨相岐矣識者其知之

關帝廟在東門外每歲春秋仲月五月十三日致祭祀以

太牢禮儀照 先師廟道光八年知縣李棣通副將邢承誥倡捐興修捲棚添設欄杆

廟中有古碑載前明崇禎癸未年間山東秀才陳益修事緣廟後有空地毗連禮拜寺寺為狃民禮拜之所規模狹隘狃欲占廟地以廣寺制無有爭之者獨益修堅不肯與狃始賂以金益修介不受後加之害益修得不死雖碑記語多附會而益修至誠感神真足以風世矣 考堂記

城隍廟

在大街舊鼓樓東

中衛縣志

卷二

建置考

寺廟

五

按城隍春秋祭於壇朔望行香於廟其封則始於明洪武元年府曰公州曰侯縣曰伯三年削封號稱某府州縣城隍之神制亦尊矣今廟宇香火之盛立儀仗建寢宮神及配具有誕辰男女雜遝以祭其附會不經之甚大抵皆原於二氏之說耳

八蜡祠

在縣東城外三皇廟

按八蜡見禮記郊特牲鄭注云先穡一也司穡二也農三也郵表啜四也貓虎五也坊六也水庸七也昆虫八也或疑昆虫不當祭不知所祭乃主昆虫者考古祭八

蜡在十二月近代於春秋丁祭之後殆亦春祈秋報之意云

馬神廟在縣東門外正南

按馬神之祀周禮校人春祭馬祖夏祭先牧秋祭馬社冬祭馬步注云馬祖天馵星也先牧始養馬者馬社始乘馬者馬步神為災害馬者四時各有所祭今則惟夏六月廿四日俗通祭之而春秋之祭亦無常典失古禮之意矣

河渠龍神廟乾隆二十四年署西路同知富斌知縣黃恩錫倡率士民捐建教諭張若敏有記乾隆五

中衛縣志 卷二 建置考 寺廟 六

十八年知縣邱卿雲建廳房三間嘉慶十七年知縣程樹滋改建廳房六間道光十年知縣馮侍稷添建套房二間廚房一間茶房一間

按宋始有五龍廟九龍堂以祈雨龍王之祀古無有也然禮有功德於民則祀之中邑導河引水斥鹵皆可耕推之通舟載物食河之澤多矣其祀河渠之神也固宜

寺廟 附

玉皇閣在城北臺

三皇廟在城東郊

按三皇始於元時今天下通祀伏羲神農黃帝此立廟

所由來也明洪武四年始罷天下府州縣祀三皇廟

東嶽廟在東關 火神廟在城南門外 牛王寺在城東南隅 元壇廟在城西門

藏經閣在協著前

真武廟

按真武殆即古所謂元冥北方之神也世俗雜以不經之說君子當辨其誕妄焉

華嚴寺有觀塔在城東南十里俗呼觀塔兒寺 香巖寺在香頂山 羚羊寺在永康堡東

塔兒寺在寧安堡西十里 白馬寺在白馬灘水鳴段近山 安慶寺在鳴沙州前明慶藩建

石空寺註見藝文略景 蘇武廟 米鉢寺俱在寺口 金龍王寺在鳴沙州東五

中衛縣志 卷二 建置考 寺廟 七

里紅柳溝廟旁有鈕公祠祀詳修屏山寺在棗園堡北山形擁翼若

屏故名寺建於山半 晏公廟在水康渡口

聖母娘娘廟

按俗有聖母娘娘之祀其左右多塑嬰孩考其義則廣

嗣宮也按毛詩傳古者禘鳥至之日以太牢祀於郊媒

即廣嗣之義歟今雜佛道之教以附會不經之說煽惑

愚婦以為入廟燒香此此邪說之當禁者愚意或如

陸稼書書主人祀帝學表正其稱號或

猶不古

遺愛

高公祠 為前任西路同知高士鐸建在東關外

王公祠 在廣武堡祀遊擊王正本各正通志以避諱易今字遼東人順治十年任為地方興利不惜資囊除

害則不畏豪強時忽河水大漲溢堤身為捍衛毀花園碑石立運河堤疊加墀埂捍衛城垣兵民為建祠祀焉

每年春秋二季致祭

文廟 社稷 山川風雲雷雨 馬神 土神 厲壇

雩壇 共領祭祀銀六十六兩七錢五分二厘零

每年春夏秋三季致祭

文昌宮春秋二季 共領祭祀銀十六兩七錢六分

中衛縣志 卷二 建置考 寺廟 八

關帝廟 共領祭祀銀二十一兩八錢八分零

每年祭

先農壇 祭祀銀三兩額設藉田四畝五分在於田內糧

石變價